

02.11.2020

UKA2020/112

**Illup sananeqarneranut akiusup minnerpaaffissaa inatsisitigut aalajangersarneqartup appartinneratigut pisortat inissiaataanni attartortittakkani ineqarnermut akiliutip appartinneqarnissaanut periarfissat misissoqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuinnikkut ineqarnermut akiliutip, illup sananeqarneranut akiusup, piginnittut aningaasaliissutinit iluanaarutissaasa aammalu ineqarnermut tapiissutit allanngornerisa imminnut ataqatigiinnerat paasinarsisinneqassapput kiisalu aserfallatsaaliinissamut pilersaarutit attatiinnarneqarnissaat isiginiarneqassalluni. Kiisalu illut illuutit aserfallassimasut sananeqarneranni naliusup ingerlaavartumik nalikillilerneqartarnerani pitsaaqutit ajoqutillu misissuinnikkut qulaajarneqassapput. Misissuinerup inerneru Inatsisartunut kingusinnerpaamik UKA 2021-mi agguanneqassapput.**

(Inatsisartunut ilaasortaq Erik Jensen, Siumut)

Naalackersuisut peqquneqarnissaannik Inatsisartut aalajangiiffigisassaattut siunnersuut Siumumit ima ittumik oqaaseqarfigissuarput.

Siullermik siunnersuuteqartoq Erik Jensen qutsavingaarput killiffitsinni ajornartorsiut allingaluttuinnartoq pingaaruteqarluinnartorlu qaqimmagu, toqqammavilersuutigineqartullu assortoruminaatsut tapersorsornartullu iluatinnaatilerujussuupput taamaammallu ukiualunngortuni inissianik attartortut maalaarutinguangaat eqqortumik tunngavilersuuteqarnermigut qularnanngitsumik ilorraap tungaanut alloriartsitsisussat Inatsisartunut suliakkiissutigai.

Malunginiarparput oqaaseqatigiit ilaatigut atorineqartut: Naalangaaffiup inissiaatai kingornussavut tamakkiisumik aserfallattaalineqartanngitsut qaammammut 7-8.000,- angullugit ukiorpassuarni akeqartinneqartut, taamaalillunilu pisariaqartinneqaraluartut allamik ineqalersinnaanermut ileqqaangassaangaluit akilersuiffimmut tassunga qaarsillarallarsinnaanngitsumut atorineqaannartarlutik.

Nalilersuiuarnissaq taamatullu naleqqussartuarnissaq Inatsisartuni suliassatta ilangilluinnarpaat, uumalu siunnersuutip suliarinerani tikkuarneqarsinnaasut ilangisariaqaraat Siumumi isumaqarfingaarpud tassaasoq; pisortat pingisaanni ingerlatseqatigiiffiit assigiinnik ingerlassaqartut arlariisillugit ingerlakkivut tamaasa

immikkut siulersuisoqartillugit, tamakkualu aamma atuisut ilanngullugit akilersoraat. Eqqartorneqartuarpoq aaqqiissutissamillu saqqummersoqassanani, uanilu akiusut eqqartorneqarneranni ilanngullugu nalilersorneqarnissaat kissaatiginarpoq, oqallittarnitsigummi assortuussutaasangimmat alloriartoqassananilu.

Siunnersuutip uumap pingaarutaasa ilangingaat eqqaareerparput anguniagaasoq inuiaqatigiit namminneq ineqalersinnaanerat, siunnersuullu una pissusissaatut naammassineqarpat anguniakkap taassuma tungaanut allornialunnik allorarsimassuugut, takusinnaasavullu aamma malillugit Naalakkersuisut siunnersuut tamakkiisumik taperserpaat, tamannalu nuannaarutissaavoq.

Taamaattumik siunnersuut una Siumumiik takinerusumik oqaaseqarfiginagu tamakkiisumik taperserlutigu aappassaaneerneqartinnani ataatsimiititaliamut susassaqtumut innersuupparput, sulilluarnissaannillu kissaallugit.

Nikkulaat Jeremiassen, Siumut.